

四庫全書

史部

欽定四庫全書

史部

欽定大清會典則例卷五十一

詳校官檢討臣劉炘

編修臣程嘉謨覆勘

總校官原任中允臣王燕緒

校對官助教臣黃昌禔

謄錄舉人臣周克鵬

欽定四庫全書

欽定大清會典則例卷五十

戶部

雜賦下

一魚課江蘇安徽額徵魚課銀七十五兩八錢

四分有奇

按舊典有江蘇等屬魚課銀千四百七十五兩三錢三分又江寧六合丹

徒三處時魚折銀並魚塢租水面冬網共銀五百八十八兩四錢七分有奇外遇閏加銀十有八兩二錢八分有奇其淮防廳魚稅盡收盡解安徽等屬魚課銀六十九百十有三兩二錢三

分有奇錢一萬二千七十五文外遇閏加銀三百五十一兩八錢一分有奇錢七百五十八文今皆裁彙入

雜賦項下

○江西都昌縣設楊林河泊所德

化縣設鶴問寨河泊所額徵魚課銀五千二十

二兩八錢有奇○福建額徵魚課銀八千四百

六兩七錢有奇

舊設晉江河泊所今裁

○浙江額徵魚課

銀二千三百九十九兩六錢有奇○湖北額徵

魚課銀二千八百八十五兩九錢有奇○湖南

額徵魚課銀二千五十七兩有奇遇閏加銀一

百五兩

舊設磧磯湖黃江湖漳源湖華家湖沌河蒲澤桑臺湖長江局樟松湖安鄉湖

魚苗洋楮塘湖九潭湖共
河泊所十有三今皆裁

○廣東南海縣設官

密河泊所番禺縣設湓湖河泊所澄海縣設東

壟河泊所額徵魚課銀三千六百四十兩五錢

有奇

舊有新安吉安駝河
三河泊所今皆裁

○乾隆元年

諭將廣東加增魚稅歸善縣千餘兩海豐縣四千餘

兩惠來縣五百兩潮陽縣七百兩悉予豁除又廣

肇埠租一項亦著免徵欽此○六年題準直隸任

邱大陸澤水泊地畝因疏濬澧河以致泊水淺狹不產魚息魚船改業每年應交魚稅銀準其

豁除

一田房稅契順治四年覆準凡買田地房屋必用契尾每兩輸銀三分○康熙十六年題準增

江南浙江湖廣各府契稅

每年蘇松常鎮四府大縣六百兩小縣二

百兩安徽等十府州分別州縣大小自五百兩至百兩不等揚州府照賦役全書額徵淮安徐州府屬及寶應霍山宿遷臨淮五河懷遠定遠臨壁虹九州縣均無定額盡收盡解
杭嘉湖

寧紹金嚴七府大縣三百兩中縣二百兩小縣
百兩台衢溫處四府仍照見徵造報 湖北大

縣百五十兩中縣百兩小
縣五十兩僻小州縣十兩 ○十七年題準增山

東等省田房契稅 大縣百八十兩至二百四十
兩中縣百二十兩小縣六十

十五兩至三十
兩 ○二十年題準增浙江台衢溫處四

府契稅 大縣百兩中縣六
十兩小縣三十兩 ○二十一年題準增

江西萍龍永瀘上定六縣契稅 ○四十三年覆

準田房稅銀用司頒契尾立簿頒發令州縣登

填將徵收實數按季造冊報部察覈 ○雍正四

年覆準凡典當田土均用布政使司契尾該地方印契過戶一應盈餘稅銀盡收盡解○七年題準廣東文武闡鄉試所需各項經費除照例動撥正項外尚有不敷之數向在各州縣業戶買產每兩例徵契稅銀三分之一又徵一分充用每年約徵銀二千五百餘兩自雍正七年起準為科場經費造入奏銷冊內同正額一例報銷○十二年奏準廣東田房二項溢額稅羨自

雍正七年至雍正十一年歲終存銀二十萬兩
有奇報明戶部以備酌撥嗣後遞年造冊報部
○乾隆元年覆準民間置買田地房產投稅仍
照舊例行使契尾由布政使司編給各屬黏連
民契之後鈐印給發每奏銷時將用過契尾數
目中報藩司考覈○十二年奏準民間置買田
房產業令布政使司多頒契尾編刻字號於騎
縫處鈐蓋印信仍發各州縣俟民間投稅之時

填注業戶姓名契價契銀數目一存州縣備案
一同季冊申送布政使司察覈如有不請黏契
尾者經人首報即照漏稅之例治罪○十四年
議準嗣後布政使司頒發給民契尾格式編列
號數前半幅照常細書業戶等姓名買賣田房
數目價銀稅銀若干後半幅於空白處豫鈐司
印將契價契銀數目大字填寫鈐印之處令業
戶看明當面騎字截開前幅給業戶收執後幅

同李冊彙送藩司察覈其從前州縣布政使司
備察契尾應行停止

一牙帖商行當舖稅直隸稅銀三萬二千一百

五十八兩八錢有奇

內當稅銀萬四千六百十兩熱河牙稅銀五千二百

七十兩五錢各行牙帖銀萬二千二百七十八兩三錢各有奇

盛京三千八百六十一兩二錢有奇

內舖戶行戶稅銀千三百

六十兩七錢有奇經紀稅銀二十五百兩五錢有奇

山東萬三千二百四

十七兩七錢二分三釐有奇

內當稅銀六千七百五十五兩牙帖

銀六千四百九十二兩
七錢二分三釐有奇
山西三萬五千六百四

十七兩七錢有奇
內當稅銀二萬六千五百六
十兩牙帖銀九千八十七兩

七錢
有奇
河南七千三百五十三兩八錢有奇
內當稅銀

五千一百七十五兩牙帖銀二
十一百七十八兩八錢有奇
江蘇二萬八百

六兩八分有奇
內當稅銀九千六百七十五兩
八錢四分牙帖銀萬一千一百

三十兩二錢
有奇
安徽萬一千七百四十五兩七錢
四分有奇

五分有奇
內當稅銀三千七百十有四兩九錢
九分有奇牙帖銀八千三十兩七錢

六分
有奇
江西五千七百十有八兩
內當稅銀六百七十五兩牙帖

銀五千四
十三兩
福建七千一百二十兩五錢五分有

奇
內當稅銀四千四百兩牙帖銀二
千七百二十兩五錢五分有奇
浙江九千

五百五十八兩
內當稅銀五千三十兩牙
帖銀四千五百二十八兩
湖北

五千三百六十兩六錢三分四釐有奇
內當稅
銀二千

五百八十五兩牙帖銀二千七百
七十五兩六錢三分四釐有奇
湖南千二百

八十五兩二錢一分六釐有奇
內當稅銀二百
五十兩牙帖銀

千三十五兩二錢
一分六釐有奇
陝西八千五百二十五兩二

錢五分有奇
內當稅銀六千八百六十兩牙帖
銀千六百六十五兩二錢五分有

奇 甘肅八千四百七十七兩二錢二分有奇

內當

稅銀七千七百十有七兩五錢六分有奇
牙帖銀七百五十九兩六錢六分有奇 四川

各行牙帖當稅共銀千一百七十兩二錢廣東

萬八千四百二十一兩七錢七分有奇

內當稅銀五百

七十五兩牙帖銀萬七千八百四十六兩七錢七分有奇 廣西當稅銀一百

六十五兩雲南當稅銀一千六十兩貴州各行

牙帖銀五百十有四兩五分有奇○康熙三年

題準當舖每年納銀五兩大宛二縣大行店鋪

照當稅例每年徵銀五兩○十五年覆準

京城上等行鋪每年徵稅銀五兩中等行鋪每年
徵稅銀二兩五錢○雍正六年題準直省各屬
典當均令布政使司鈐印頒帖交各州縣轉給
輸稅如有新開典當報司給帖於開設時增稅
無力停開者即交帖免輸○十一年覆準閩省
領帖五穀牙行仍照定例按帖輸稅

一落地牛馬猪羊等項雜課直隸雜稅銀二萬

六千九百十有九兩六錢有奇

內牛驢稅銀五千九百九十八

兩三錢花布銀一百三十一兩九錢燒缸銀六百十有一兩七錢海稅銀七十八百三十五兩

一錢河利銀五百三十一兩四錢有奇蘇麻銀八兩七錢榛栗三十六石內解光祿寺八石餘

解部轉交內務府丁字沽稅銀二千五百七十兩雜貨稅銀九千二百三十兩五錢各有奇

盛京三百六十二兩一錢六分山東三萬三千一

百六十兩二錢三分二釐有奇

內牛驢等稅銀二千五百八十

七兩四錢三分六釐有奇船筏等稅銀萬五千四百三十四兩二錢六分一釐有奇落地雜稅

銀萬五千一百三十八兩五錢三分五釐有奇山西三萬八千七百六

十六兩四錢

內溢額商稅銀三萬八千二百七十七兩八錢木筏稅銀三百六十

二兩殺虎堡馬稅銀一百二十六兩六錢各有奇

河南二萬四千六十

五兩七錢

內老稅銀三千五百九兩九錢活稅銀四千四十六兩五錢新增稅銀萬

六千五百九兩三錢各有奇

江蘇二萬四千二百五十二兩

三錢九分有奇

內雜項稅銀十有六兩六錢六分有奇牛驢等稅銀三千四十

九兩六錢一分商稅銀二萬一百九十六兩一錢二分各有奇

安徽五千五百

六十三兩九錢一分有奇

內雜項銀二千九百八十六兩三錢九分

牛驢猪羊等稅銀二千五百七十七兩五錢各有奇江西九萬一千六十

九兩一錢二分有奇

雜辦商賈課鈔等稅銀九萬七百五十九兩五錢三

分有奇牛稅銀三百九兩五錢九分有奇

福建商雜貨稅八千四十

四兩九錢六分有奇浙江三千九百七十四兩

八錢七分八釐有奇

內牛稅銀五百二十三兩九錢五分三釐雜稅銀三

千二十九兩九錢六分五釐有奇馬稅銀四百二十兩九錢六分有奇

湖北三萬

八千六十五兩一錢一分九釐有奇

內武昌船料銀三萬

三千兩漢陽船稅銀八十九兩五錢五分商稅銀四千四百十有五兩三錢三分九釐各有奇

牛驢馬稅銀五百六十兩二錢三分湖南萬五千五百二兩五錢

五分七釐有奇

內布稅銀萬一千四百十有八兩一錢二分商稅銀三千九百

三十五兩六錢七分一釐牛驢馬稅銀一百四十八兩七錢六分六釐各有奇陝西二

萬六千九百五十兩八錢九分五釐有奇

內課銀

六百二兩三錢七分二釐藥材折價銀五十兩八錢一分三釐各府商稅銀萬六千九百九

十四兩六錢九分三釐畜稅銀九千七百三十八兩一錢各有奇駐防徵收畜稅銀五十七兩

七錢六分磨課銀九十四兩七錢五分七釐有奇礬稅銀二兩四錢甘肅萬四千

二百五十七兩二錢五分有奇

內課程銀千有

年例盤費腳價銀二十二兩四錢六分有奇匹價銀七百六十兩二錢五分商稅銀四千九百

八十八兩一錢六分牛驢猪羊等稅銀三千七百三十兩二錢六分磨課銀三千五百三十兩

五錢七分店租銀一百三十兩二錢七分各有奇褐毯雜稅銀四十八兩四錢八分煙稅銀八

兩四川十有九萬一千二百九十五兩一錢六

分有奇

內黃蠟折價銀十有四兩六錢四分草籽糧銀一百二十三兩八分秋糧銀七

百二十九兩六錢九分水碾磨課銀千一百十有四兩六錢一分雜貨稅銀十有八萬九千二

百四十八兩三錢四分各有奇油井銀六十四兩八錢廣東十有二萬四

百十有七兩三錢九分五釐有奇

內落地雜稅銀十有一萬

九千二百兩六錢四分五釐有奇餉銀千二百十有六兩七錢五分廣西雜稅

小稅銀二萬九百七十九兩六錢有奇雲南十

有五萬一千一百六十七兩五錢六分有奇

內花

斑竹田錢地講戶口等銀五千五百三十二兩
四錢一分商稅酒稅等項課程銀五萬五千二
十六兩七錢九分民辦站銀八百四十七兩二
錢三分紙筋銀三兩六錢子花銀二百三十四
兩四錢一分廠課銀八萬九千五百

貴州二萬一

千四百有八兩三錢九分有奇

內雜稅銀二萬
三百二十五兩

九錢八分水銀變價銀一百六十六兩五錢
川縣鹽稅銀九百十有五兩九錢一分遇閏加
增銀七十六兩三
錢二分各有奇
○順治元年定凡貿易牲畜

按價直每兩納銀三分○康熙三十二年題準
江南邳州每年額稅銀六百十有一兩二錢近
來商賈流散闕額將闕額銀豁除嗣後盡收盡
解○四十八年題準四川成都府邛州所屬州
縣新立水碾水磨二十二座課銀五兩三錢三
分於四十九年起徵○五十一年覆準坐糧廳
衙門督理通州張家灣等處落地稅務今遶道
避稅者多於黃村地方設夫役稽察商賈貨物

照例徵稅○雍正三年覆準雲南府額徵商稅
四千三百三十五兩四錢有奇曲靖府額徵商
稅千五百兩六錢有奇大理府額徵商稅五百
六十三兩五錢有奇楚雄府額徵商稅三百四
十三兩五錢有奇元江府額徵商稅千一百兩
額外餘剩銀除存留養廉外共歸正項銀五千
九百兩又巡撫衙門舊有各府稅規銀八千九
百兩除賞兵等費外歸正項銀六千一百兩共

歸正項銀萬二千兩解交司庫撥餉○五年題
準滇省雲南大理楚雄曲靖元江永昌等六府
商稅又安寧昆明等四十七府州縣廳土稅自
雍正六年為始解司充餉○又覆準州縣徵收
稅課凡繫巨鄉大堡載在誌內各集各行每年
實在收數若干盡行報出造冊送部○六年奏
準天津大沽口販賣雜糧商船飭令天津縣察
明取結一例給與照票其海口稅務即交與知

縣管理並令大沽營游擊驗票放行將每季所放之船造冊報部所給照票或有破爛令船戶呈請更換其寶坻北塘海口大小商漁船一應掛號給票使費亦令嚴行禁革交與該縣給發照票按額徵稅盡收盡解○七年覆準甘肅各府稅務令經歷大使等官經收伊等輕視功名難免侵隱應將經歷經收之寧夏涼州平涼慶陽等四府稅課大使經收之鞏昌一府稅務均

改歸知府管理即令該管道員就近稽察其河
州州判吏目經收之稅務亦改歸知州管理令
知府稽察所收銀造入奏銷冊報部○又覆準
甘肅靖遠縣之鎖橋中衛縣之閭門各設稅口
令靖遠同知中衛知縣就便稽察徵收按季造
報○八年題準雲南開化府屬馬白地方與交
趾都竜銀銅各廠接壤商販往來設立收稅所
一處令同知管理俟一年後將所收實數作為

定額其都奄廠需用底母照收買餘鹽之例官
收存貯聽商領買巡察人役工食於公項銀內
動給○十年題準貴州婺川縣濯水地方設立
稅口徵收鹽稅每年定額九百十有五兩九錢
一分六釐遇閏加增銀七十六兩三錢二分六
釐如有贏餘盡數報解倘徵不足數據實開報
所有書役工食等費銀百有二兩六錢七分七
釐準其照數動支○十一年題準陝西潼關咸

陽鳳翔等處商筏畜馬等稅委官監收一年共
收過正餘銀四萬三千八百八十六兩一錢有
奇自雍正十年為始統以定則正稅報解仍於
年終將一年收過實數並有無增減之處先行
據實造冊報部以便於次年奏銷案內覈對至
各屬所收落地稅銀數亦令年終一并於雜稅
案內造冊題報○乾隆元年奏準甘肅商畜二
稅徵收不一輕重各別應逐條刊刻木榜曉諭

往來商販以免濫收脫漏仍將刊刻各稅款項
細數造冊送部○十二年

諭古北口斗稅一項從前原繫營員兌收今仍著營
員管理所收稅銀除營中公用外餘著抵充驛站
工料之用其作何定額之處交總督會同提督定
議具奏欽此嗣經議覆令再試收一年以所收之
數作為定額○十五年覆準古北口提督題報
古北口斗稅一項原視口外年歲之豐歉節年

徵收在二千兩上下之數準其每年以二千兩
為定額如有贏餘盡數報解管理收稅弁兵量
給錢文按年造報

一雜賦考成順治二年差茶馬御史一人轄陝
西五茶馬司○三年差滿漢部員管理蘆政○
四年差滿漢巡茶御史筆帖式通事各一人○
七年令各省督撫遴委屬官將沿江蘆洲舊額
新漲詳察報官如有徇情隱漏督撫一并議處

○八年覆準蘆課改歸州縣徵收彙解司庫報
部○九年覆準復差部員管理○又覆準每五
年丈量一次止丈新漲新坍地增額開除如無
坍漲不得重丈滋擾○十八年覆準各省蘆課
經徵州縣衛所官未完不及一分者罰俸一年
未完一分者降俸一級二分者降職一級皆戴
罪督催完日開復三分者降職二級調用四分
以上者革職督催司府官及直隸州知州都司

未完不及一分者停其升轉未完一分者罰俸
一年二分者降俸一級三分者降職一級皆戴
罪督催完日開復四分降職二級調用五分以
上者革職如直隸州知州經徵本州蘆地拖欠
者照州縣例處分巡撫未完一二分者罰俸一
年三分者降俸一級四分者降俸二級五分者
降職一級六分以上者降職二級調用署印各
官未完一分者罰俸六月二分者罰俸九月三

分者罰俸一年四五分者降職一級調用六七
分者降職二級調用八分以上者革職署印不
及一月者免議叅後限滿不完者照年限例處
分○康熙元年題準直省雜稅照正賦例依限
奏銷違者照例叅處○二年題準茶九萬筭作
一分考覈欠不及半分者罰俸六月欠半分以
上罰俸一年一分以上降一級二分以上降二
級三分以上降四級調用四分以上革職溢額

每分以上紀錄一次至四分以上加一級五分
以上加一級紀錄一次○四年奉

旨蘆課停差部員令地方官徵收○又覆準裁陝西苑
馬各監○五年題準茶引不完者雖得茶不準
議叙○七年定裁茶馬御史歸甘肅巡撫兼理

○八年覆準復差部員管理蘆政○十年覆準
蘆課停差部員仍令地方官徵收○十二年覆
準蘆課銀未完大小各官或初叅或限滿題叅

者皆照淮徐等倉錢糧未完官員初叅及限滿
例叅處淮徐等倉錢糧初叅經徽州縣官欠不
及一分者停升督催欠一分者罰俸六月欠二
分者罰俸一年欠三分者降俸一級欠四分者
降俸二級欠五分者降職一級欠六分者降職
二級欠七分者降職三級欠八分者降職四級
以上皆令戴罪徵收停其升轉完日開復欠九
分十分者皆革職布政使知府直隸州知州欠

不及一分者停升督催欠一分者罰俸三月欠二分者罰俸六月欠三分者罰俸一年欠四分者降俸一級欠五分者降俸二級欠六分者降職一級欠七分者降職二級欠八分者降職三級欠九分者降職四級以上皆令戴罪督催停其升轉完日開復欠十分者革職巡撫欠不及一分者停升督催欠一分二分者罰俸三月欠三分者罰俸六月欠四分者罰俸一年欠五分

者降俸一級欠六分者降俸二級欠七分者降
職一級欠八分以上者降職二級以上皆令戴
罪督催停其升轉完日開復署印官欠一分二
分者罰俸三月欠三分四分者罰俸六月欠五
分六分者罰俸九月欠七分八分者罰俸一年
欠九分十分者降一級調用欠不及一分並署
印不及一月者免議又被叅後州縣官限一年
內全完如原欠不及一分一年內不全完者罰

俸一年欠一分二分一年內不全完者降三級
調用三分四分一年內不全完者降四級調用
欠五分六分一年內不全完者降五級調用欠
七分八分一年內不全完者革職布政使並管
錢糧道員知府直隸州知州限年半全完如原
欠不及一分限年內不全完者罰俸一年欠一
分二分限年內不全完者降三級調用欠三分
四分限年內不全完者降四級調用欠五分六

分限年內不全完者降五級調用欠七分八分
以上限年內不全完者革職巡撫限二年內全
完如原欠不及一分二年內不全完者罰俸一
年欠一分二分二年內不全完者降二級調用
欠三分四分二年內不全完者降三級調用欠
五分六分二年內不全完者降四級調用欠七
分八分二年內不全完者降五級調用欠九分
十分二年內不全完者革職其接徵接催官均

以到任之日為始接徵州縣官亦限一年接徵
布政使道府直隸州知州限年半接催巡撫限
二年催完如不完題叅之日照見在未完分數
以初叅例處分至帶徵積年拖欠錢糧之大小
各官不與經徵官一例處分限二年內全完如
二年內不全完均按定例照各職分處分○十
四年題準茶馬事宜每年八月造冊彙報○十
八年題準雜稅錢糧均照正賦考成○二十年

覆準閩安落地稅令福州府同知徵收○二十
三年議準丈量蘆地令選委賢能正印官不許
用佐貳官如有借稱丈量需索累民者督撫指
叅○二十九年覆準清理蘆洲地畝停止差委
道府等官均聽各該州縣親履清丈於部文到
日為始限半年之內通行丈量明白造冊具題
○又覆準蘆地五年一丈悉用印官親行經理
並從前積逋酌期帶徵○三十六年差部員管

理茶馬事務○四十二年覆準山西所屬雁門
臥口二處稅務令太原府知府徵收竢一年滿
時稅銀報部作為定額○四十四年

諭茶馬事務停止差官著甘肅巡撫兼管欽此○五十
一年覆準濟寧州稅庫大使稅務歸知州徵收
○雍正四年題準各省地方落地稅銀交與各
該撫除每年徵收正額外果有贏餘盡數報部
○五年覆準滇省有稅之曲靖等六府於雍正

五年為始該撫別委能員監收按月盡收盡解
一年後所餘若干歸正項充餉嗣後即照五年
收稅之數永為定額○又覆準膠州及萊陽縣
船稅銀自雍正四年為始照額起解仍委登萊
青道監收○又覆準江西南康饒州撫州三府
向繫大使徵收貨稅改歸各該府管理○又題
準陝西甘肅所屬之平涼慶陽寧夏涼州四府
向繫各府經歷徵收又鞏昌一府繫稅庫大使

經收均改歸知府管理河州向繫吏目經收改
歸知州管理該管道府稽覈○八年題準四川
開採紅白黃青銅礦鉛礦大廠於各府通判內
小廠於各府經歷內選擇賢能者管理一年期
滿造冊交代別選能員接管如有侵那盜賣等
弊即行題叅○又題準四川開採各處銅鉛等
礦廠務既多若不設立專員恐致漫無統率應
於寧遠府特設同知一人專管各廠稅務如有

民夷潤雜生事及出多報少情弊許其揭叅並
於通廠路逕設汛安塘駐兵巡察各廠內委把
總一人率兵彈壓○又題準四川各處鉛銅礦
廠收買輓運以及鼓鑄事務於省城各道中委
一人總理○十二年

諭四川叙永廳與永寧縣同處一城從前廳隸四川縣
屬貴州是以兩處均收稅課今既改隸一省而仍兩
處徵收實為重複著將縣稅裁除只留廳稅其一切

貨物均照川省之例徵收欽此○十三年

諭江南江西湖廣等省正供錢糧款內有蘆課一項凡蘆洲均繫沿江沙灘坍漲靡常是以定例五年一丈量地方官踏勘新舊坍漲沙地據實報聞而不肖官吏往往借此納賄行私已坍之地不得豁除正賦新漲之區反可脫漏升科此種情弊甚為民害嗣後屆期丈量著該督撫於通省道員內選廉能夙著者率同該州縣官履畝勘察凡有盈縮均按見在實數升

除毋使漏課亦毋使賠糧其不肖官吏或尚有借端需索等弊即指名叅處不得姑容徇庇自干咎戾欽此○乾隆二年題準雲南曲靖府所收霑益南寧城內正稅歸撥州縣徵收報解○三年題準廣東開採銅礦設廠稽察勢湏委員經理令該管道員統理廳官兼轄佐雜專管嚴禁廠內一應匠役人等毋許滋事擾民仍於要隘附近鑪廠之地設兵防範委撥千把總駐劄管束巡緝

偷採私運之弊其山場需用工丁甚多應一山設山總一人稽察每壠設壠長一人約束每工丁十人設甲長一人照管均於本地誠實良民內招募所需廠汎房屋木柵鑪座等項詳加察勘毋致有礙官河官道及民間田園廬墓日用米糧各項令附近村民販運貿易倘遇米糧價昂準赴產米地方買運接濟其經管各官如遇離任即飭接印官接交清楚照例取具交代印

結送部察覈○四年覆準蘆洲田地五年一丈
為期既久姦猾豪強之徒或移邱換段或匿冊
改名不免弊竇嗣後冊漲地畝一遇業戶具報
該地方官隨即親詣勘明注冊通詳立案竣屆
五年清丈之期將冊卷檢交委勘道員按冊稽
察履勘明確照例升除○十三年覆準凡有冊
塌洲地即令業戶報官勘明原業頃畝注冊立
案遇有淤漲亦即報官察明原冊之數撥補此

外多餘漲地不得槩行霸占如前未報坍者不
準撥給至臨江遙遠之戶果繫報坍有案即將
漲出餘地秉公撥補若坍戶數多按其報坍先
後以次照撥倘坍戶均已補足尚有餘剩新淤
官地許招無業窮民認墾官給印照按則升科
仍令各屬按數造報俟五年清丈時再行履勘
造冊送部以定升除至隔縣坍漲如此屬淤漲
之地實繫彼處坍漲之數上下對岸顯有形跡

可據者委官會同兩邑地方官據實勘驗秉公撥補不得偏袒所屬致有舛錯不公之弊如未經報坍在先及雖曾報坍遇有淤洲不報官覈撥私行霸占者審實除將淤洲入官外將該戶照盜耕官田律治罪如地方官不清丈明確以致坍少補多或坍多補少舛錯不公者照官吏不用心從實檢踏律分別議處○十六年覆準向例蘆洲大丈屆期之年均於十月舉行而丈

竣之期例內未經指定牧令等官輒多藉故稽遲嗣後屆大丈之年責令州縣務遵定例於十月水涸後將坍漲清勘明確限歲內造冊詳報所委道員於開印日督同履丈定限四月內完竣移司彙送於六月內詳題倘仍因循違限即行分別叅處至坍沒地畝嚴飭州縣逐一確察入冊道員詳細察覈倘州縣草率道員察出揭叅如有扶同一并分別議處該督撫不即題叅

部內按限察覈將該督撫一并叅處

一雜賦禁例順治二年題準凡通接西番關隘處所撥官軍巡守有夾帶私茶出境者拏解治罪其番僧若有夾帶姦人並私茶者沿塗官司檢出茶貨入官伴送夾帶人送官治罪若該衙門官縱容私買茶貨及私受餽送增改關文者聽巡按察究○又題準進貢番僧應賞食茶須給勘合撥發由茶倉所照數支放不許收買私

茶○三年題準甘鎮以茶易馬各番許於開市處互市不得濫入邊內○又題準民間食用米麥皆停收稅○四年議準嚴禁州縣借落地稅銀名色及勢官土豪不肖有司設立津頭牙店擅科私稅○五年議準茶篋止供市馬不許開銷賞番○九年覆準地方將領巡緝不許倚托營兵旗人販賣私茶○十年覆準茶商舊例大引附茶六十篋小引附茶六十七斤餘今定每

茶千斤槩準附茶一百四十斤如有夾帶嚴察治罪○又題準凡鎮弁發銀市馬察覈的確準令購買若有載茶易馬者槩行禁止○康熙元年題準禁止有司私給稅單收稅○十二年覆準小民肩挑背負尺布斗米蔬果食物貿易者地方官不許徵稅○十八年覆準產銅鉛廠任民採取徵稅銀二分按季造報八分聽民發賣先盡地主報名開採地主無力許本州縣民採

取雇募鄰近州縣匠役如別州縣越境採取及衙役攬擾皆照例治罪有墳墓處不許採取倘有不便督撫題明停止○二十六年議準自康熙十五年至十九年直隸各省加增田房鹽當牙行等項稅銀通行各省免其徵收○又免徵湖廣新增鐵茶商茶稅銀○二十八年題準江寧民間鋪面歲輸房號廊鈔等銀悉行豁免○四十一年覆準

京城內外煤牙悉行禁革其煤牙額稅停止徵收
○四十三年覆準嗣後茶止於陝境交界處盤
察行人攜帶十斤以上者停其搜捕有驢馱車
載無官引者即繫私茶照私鹽律治罪失察官
弁照例議處○四十四年覆準私茶十斤以下
向停其搜捕恐姦民計圖免課分帶零運仍照
舊緝拏處分○四十五年議準嗣後一應牙行
照五年編審之例清察更換新帖如有頂冒朋

充巧立名色霸開總行逼勒商人不許別投拖欠客本久占累行者嚴拏究治○四十八年覆準姦民希圖射利捏稱牙行於良民買賣之際濶行索詐者令順天府尹通判大宛二縣五城兵馬司嚴行察拏照例從重治罪○五十二年諭據四川提督奏稱蜀省一碗水地方聚衆萬餘人開礦差官力行驅逐等語此偷開礦廠之徒皆繫無室可居無田可耕貧民每日所得錙銖以為養生之計

若盡行禁止則伊等何以為生該地方文武官弁作何設法使窮民獲有微利養贍生活但不得聚衆生事妄行不法大學士會同九卿議奏欽此遵

旨議準凡各省所有之礦本處無業貧民私行採取者各該地方官詢明姓名注冊令其開採仍不時稽察毋致生事其外省之人不許開採並嚴禁本處豪強富戶設廠如有此等情弊該管文武官弁隱匿不嚴行察拏照溺職例革職該督撫

將軍提鎮徇庇不行揭叅照徇庇例降三級調
用○五十五年議準免

京城下等行鋪稅銀○雍正三年覆準黃河以東
蘭鞏平慶四府秦階二州茶政令湖廣督撫嚴
飭產茶各州縣凡商茶照引運茶先行申報本
省咨明豫撫轉飭經過地方察驗令陝州驗引
移送出關外守取回文備案如該州借名勒索
該撫即行題叅治罪如商人離引行茶及夾帶

餘茶並將舊引影射者該撫即行拏問○又題
準嗣後奉天買賣人出威遠堡法庫口至吉林
黑龍江等處貿易領取車票繫民即在府尹衙
門具呈察驗給票旗人仍照舊例在

盛京兵部給票倘官兵胥役等有通同勒索等弊
即題叅從重治罪○四年覆準陝省茶改令產
茶地方官給發船票照依該商引目茶數逐一
開明不得別給印票其應行盤察之處照依引

目及正茶附茶斤兩盤察驗放不得勒索留難
如於部引之外有搭行印票及附茶不依所定
斤數多帶私茶者察拏照私鹽律治罪如察驗
官故縱失察照例處分如地僻引多致茶壅滯
不能行銷該商具呈該司詳報甘撫行令往別
司分通融發賣辦課○七年題準州縣徵收稅
銀凡窮鄉僻社些小生理無關課稅者永行革
除○八年題準廣西柳州府舊有牛網客人入

猛獐之地販買納牛稅銀四十一兩二錢停止
徵解○九年

諭向來各處落地稅銀定例報出稅銀八百兩者準加
一級多者以次計算年來地方官員皆知守法奉公
凡有稅課皆隨收隨報不敢侵隱其報出之數每倍
於舊額祇恐將來不免冀幸功名之人希圖優叙以
致恣意苛索擾累小民且落地稅銀非正項錢糧有
一定之數可比侵蝕隱匿者固當加以處分而爭多

闕勝者亦當予以處分其作何定議並如何議叙加級處分之處吏部戶部悉心妥議具奏欽此遵

旨議準各省落地稅銀如徵收正額之外搜求需索以致贏餘之數幾倍於正額者其稅契銀如有將民間從前置買產業苛索擾累多收契羨者該督一併指名題叅照例議處至正額外並無苛索擾累實有贏餘報出八百兩者仍照定例準其加一級千六百兩者加二級二千四百兩者

加三級如此外雖再有贏餘亦不得過加三級
仍令各督撫將並無苛索擾累之處於疏內聲
明到日準其議叙○又題準廣東曲江惠來陽
春等三縣有額無徵稅課等銀共七百八十四
兩有奇準其永遠豁免○十年

諭朕聞西寧北川口外白塔地方出產石煤繫附近漢
土番回民人採取販賣以為生理每馱納稅錢三十
文於西寧委管之員收解充餉約計每年收銀一千

九百餘兩近因西陲用兵之際西寧移駐兵弁較前
為多率皆用煤以供炊爨煤價漸至昂貴若仍照前
例徵收稅錢恐價直不能平減於兵民均有未便著
將應徵稅錢寬免該督撫轉飭有司實心稽察倘胥
吏人等有照例私收或借端需索者務令察出從重
究治欽此○又奏準木魯烏蘇地方出產金砂附近
窮番藉以開採資生應聽其自行開採毋得招
集多人生事○十一年

諭各省商牙雜稅固有開國課亦所以便民是以各省
額設牙帖皆由藩司頒發不許州縣濫給所以杜增
添之弊不使貽累於商民也近聞各省牙帖歲有加
增即如各集場中有雜貨小販向來無藉牙行者今
槩給牙帖而市井姦牙遂恃為護符把持爭奪抽分
利息是集場多一牙戶即商民多一苦累況牙帖納
稅每歲無多徒滋繁擾甚非平價通商之本意著直
省督撫飭令各該藩司因地制宜著為定額報部存

案不許有司任意加增嗣後止將額內各牙退帖頂補之處察明換給新帖再有新開集場應設牙行者酌定名數給發亦報部存案如此則貿易小民可永除牙戶苛索之弊欽此○十二年

諭朕聞東省泰山有碧霞靈應宮凡民人進香者皆在泰安州衙門輸納香稅每名輸銀一錢四分通年約計萬金若無力輸納者即不許登山入廟此例起自前明迄今未革朕思小民進香禱神應聽其意不得

收取稅銀嗣後將香稅一項永行蠲除如進香人民
有願輸香錢者各隨所願不必計較多寡亦祇許本
山道人收存以資修葺祠廟山路等費不許官吏經
手絲毫染指永著為例欽此○又

諭湖北太和山香稅著照山東泰安州之例永行豁免
欽此○十三年十月

諭朕聞各省地方於關稅雜稅外更有落地稅之名
凡擾鋤箕帚薪炭魚蝦蔬果之屬其直無幾必察

明上稅方許交易且販自東市既已納課貨於西市又復重徵至於鄉村僻遠之地有司耳目所不及或差胥役徵收或令牙行總繳其交官者甚微不過飽姦民猾吏之私索而細民已重受其擾矣著通行內外各省凡市集落地稅其在府州縣城內人煙湊集貿易衆多且官員易於稽察者照舊徵收但不許額外苛索亦不許重複徵收若在鄉鎮村落則全行禁革不許貪官污吏假借名色巧

取著該督撫將通省額徵稅額分晰原額新增並
原設稅口例載貨物應留應革款項造冊題報其
如何裁革禁約之處詳細造冊報部察覈欽此○

又

諭民間活契典業者乃一時借貸銀錢原不在買賣
納稅之例嗣後聽其自便不必投契用印收取稅
銀其地方官徵收稅課多者亦停其議叙再在京
兩翼收稅之處亦照此例行欽此○又題準直隸

正定府屬之挿箭嶺倒馬關及所屬之上城鐵嶺口既收貨物牲畜之稅而出入往來空身之人向例復收稅錢著永行停止○乾隆元年

諭廣東有埠租一項乃民間自收之微利前經察出湊修圍基之費今圍基既動公項修築所有埠租一項免其徵收欽此○又覆準牙戶如各牙行式微無力貿易有情願報官歇業者即令其開除報部不必竢項補有人方準退帖違者照例處

分○又覆準浙江嘉興台州溫州處州等府屬之角里等處各口界址每年應徵商稅等銀永行禁革○二年題準滇省鎮雄州繫食川鹽徵收過稅準其裁革於鹽課銀內開除○又題準山東省魚筏稅銀五百三十八兩九錢一分有奇免其徵收○又題準湖南永州府帶徵商稅及常德府報增餘出鹽鈔昌平熟鐵等稅武岡州報增餘出門攤酒醋等稅岳州府屬之巴陵

縣報增餘出漁稅察明繫屬零星商販及額外
加增之項準全行禁革○又題準湖北安陸府
所屬之河家集等十六處襄陽府所屬之雙溝
等十集鄖陽府所屬之安陽龍門江峪三處均
繫小村落向徵稅銀全行禁革○又題準平涼
府屬之白水鎮布疋煙紙等稅臨洮府城褐稅
並屬府之定羌驛內官營落地布麻褐等稅悉
行禁革○三年題準江蘇等屬落地稅銀分別

裁留實在各屬請裁銀二千四百四十八兩五錢有奇準予豁除○又題準直隸遵化州寶坻縣及容城之白溝河等四集河西務等三處並撫寧之深河山海衛之海洋石門等處宣化府屬之蔚州河間縣之桑家林等處均繫零星交易土產貨物應徵稅銀均予裁革○又題準四川廣元縣每宰一猪徵銀三分商販活猪已經收稅宰猪又徵事屬重複應行裁革至經過夔

關在於本地糶賣之米糧既未載有一例徵收
字樣似屬額外加徵嗣後免其徵稅○四年

諭昔我

皇考惠愛商民恐州縣牙行歲有加增於雍正十一年
諭令各督撫飭令藩司因地制宜著為定額報部
存案不許有司任意加增止許將額內各牙退帖
頂補之處察明換給新帖再有新開集場應設牙
行者酌定給帖報部不許濫增近聞江蘇各屬於

額帖之外陸續增請者一縣竟有數十張以至百餘張不等此必州縣官聽信吏胥播弄借新開集場準其增設之例或舊業而捏為新設或裁牙而濶請改充徒使貿易小民受其苛索莫可申訴江蘇如此則各省亦必皆然該部即通行各省督撫轉飭布政使司出示曉諭該地方若有新開集場應設牙行者該印官詳確察明取具印結由府州覈實詳司給發牙帖如非新開集場濫請增者

即行題叅從重議處欽此○五年

諭近聞外省衙門胥吏多有更名捏姓兼充牙行者此輩倚勢作姦壟斷取利其為市塵之蠹尤非尋常頂冒把持者可比嗣後作何定例嚴禁及地方官失於稽察作何處分之處該部定議具奏欽此

遵

旨議準嗣後胥役見在更名捏姓兼充牙行者令地方官嚴察確實即行追帖勒令歇業並將胥役

充補牙行之弊永行嚴禁倘不法胥役仍更名捏姓兼充牙行者照例杖一百徒三年如誑騙客貨累商久候一經告發照例枷一月發附近充軍若地方官奉行不力失於稽察罰俸一年有意徇縱者降二級調用如有受財故縱計贓從重以枉法論○七年覆準客商販買米豆皆須投託牙行恐狡獪牙行有意把持高擡價直於中取利行令直省督撫轉飭該地方有司通

行出示嚴切曉諭商人既不得藉貨居竒行家更不得把持增價倘有居竒把持等弊即察明究治○九年題準嗣後地方官濫給牙帖者該管上司失於稽察將知府照巡緝官失於稽察例罰俸一年司道照不行詳察例罰俸六月若該管上司知情不據實揭報題叅者照徇情例降二級調用牙行承充之時向本殷實厥後漸次式微致有拖欠客本者隨時革換倘州縣仍

將銷乏牙行不即革退及並非殷實之人出結
申送照衿監充認牙行州縣官奉行不力例分
別失察徇縱議處如有枉法受贓等項按律處
分並飭令地方官出示曉諭如有姦牙狡獪於
發貨之日不令客人與鋪戶三面議價立定合
同限帖屆期同索者許客商赴官具控將該牙
革退別募充當如鋪戶過限不清有意侵吞客
貨者仍將鋪戶嚴追地方官倘有陽奉陰違釀

成積案者以玩視民瘼題叅○又題準安徽等
十三府州屬雜稅項下牛驢花布煙油等項銀
或繫有款無徵印官捐解或空有地名並無市
集或重徵經行牙行或雜派於鋪家煙戶實為
擾累悉準予豁免○十一年奏準湖廣衡州府
設立賣鉛牙行頒給印照官秤凡赴買者該牙
依次發貨如官買客販並至先盡官後給客仍
聽買賣人等當面議價該牙在旁眼同兌交銀

貨以免爭競倘有把持欺壓等事即行革究○
又題準江蘇碾餉闕額銀出自碾米之戶完解
因土俗變易民間皆置木礮自做碾戶稍乏並
無頂補之人以乾隆十一年為始準其槩予豁
免○又覆準江蘇額賦之外有城租闕額吏農
班餘米軍餉碾餉闕額折穀無徵等項雜辦共
銀六百二兩六錢五分七釐均屬有款無徵官
民苦累準其照數豁除○十七年議準直省地

方遼濶凡有種麻植靛燒炭烘茹開礦採捕等
事無業窮民羣聚於深山大谷湖濱海汊之間
務令該州縣親履其地勘明形勢細察來歷繪
圖貼說造冊申報督撫仍按季覆察該督撫歲
於四月十月內檄令巡道會同營弁稽察出結
申報倘地方官及巡察官弁有縱容兵役滋擾
累民者該上司即揭報督撫題叅○又議準凡
產硝硫黃之地除見在官為開採者仍循例妥

辦毋許夾帶透漏不時稽察外其久經封禁之
山澤及出產硝黃之地務嚴行申禁倘有頑民
私自開採地方官不行嚴拏別經發覺即將該
地方官嚴叅議處務令獲犯治罪其不行揭報
之各上司失於覺察之該督撫一并交部察議

欽定大清會典則例卷五十

欽定四庫全書

欽定大清會典則例卷五十一

戶部

俸餉上

一宗室俸祿親王歲給俸銀萬兩世子六千兩
郡王五千兩長子三千兩貝勒二千五百兩貝
子千三百兩鎮國公七百兩輔國公五百兩一
等鎮國將軍四百十兩二等鎮國將軍三百八

十五兩三等鎮國將軍三百六十兩一等輔國將軍兼一雲騎尉三百三十五兩一等輔國將軍三百十兩二等輔國將軍二百八十五兩三等輔國將軍二百六十兩一等奉國將軍兼一雲騎尉二百三十五兩一等奉國將軍二百十兩二等奉國將軍一百八十五兩三等奉國將軍一百六十兩奉恩將軍兼一雲騎尉一百三十五兩奉恩將軍一百有十兩宗室雲騎尉八

十五兩宗室雲騎尉品級八十兩以上每銀一兩給米一斛○順治七年議準親王歲給俸銀萬兩祿米萬二千斛郡王銀四千兩米八千斛貝勒銀二千兩米二千八百斛貝子銀千兩米千六百斛公銀五百兩米千二百斛○八年議準親王俸銀仍舊郡王歲給銀五千兩貝勒三千兩貝子二千兩公千兩以上每俸銀二兩給祿米三斛○九年議準給親王世子俸銀六千

兩郡王長子三千兩○十年議準親王等俸銀
仍舊貝勒歲給銀二千五百兩貝子千三百兩
鎮國公七百兩輔國公五百兩一等鎮國將軍
四百十兩以下各遞減二十五兩每俸銀一兩
給祿米一斛

一公主以下及額駙俸祿固倫公主歲給俸銀
四百兩和碩公主三百兩郡主二百五十兩縣
主二百二十兩郡君一百九十兩縣君一百六

十兩鄉君一百三十兩固倫公主額駙二百八十兩和碩公主額駙二百五十五兩郡主額駙二百三十兩縣主額駙一百八十兩郡君額駙一百五十五兩縣君額駙一百三十兩鄉君額駙百有五兩○順治十年議準自固倫公主以下至縣君每俸銀一兩給祿米一斛額駙亦如之

一世爵俸祿一等公七百兩二等公六百八十

五兩三等公六百六十兩一等侯兼一雲騎尉
六百三十五兩一等侯六百十兩二等侯五百
八十五兩三等侯五百六十兩一等伯兼一雲
騎尉五百三十五兩一等伯五百十兩二等伯
四百八十五兩三等伯四百六十兩一等子兼
一雲騎尉四百三十五兩一等子四百十兩二
等子三百八十五兩三等子三百六十兩一等
男兼一雲騎尉三百三十五兩一等男三百十

兩二等男二百八十五兩三等男二百六十兩
一等輕車都尉兼一雲騎尉二百三十五兩一
等輕車都尉二百十兩二等輕車都尉一百八
十五兩三等輕車都尉一百六十兩騎都尉兼
一雲騎尉一百三十五兩騎都尉百有十兩雲
騎尉八十五兩恩騎尉四十五兩閒散公二百
五十五兩閒散侯二百三十兩伯品級官二百
五兩子品級官一百八十兩男品級官一百五

十五兩輕車都尉品級官一百三十兩騎都尉
品級官百有五兩雲騎尉品級官八十兩以上
每銀一兩給祿米一斛○康熙七年題準外任
旗員有革職休致仍畱世爵者該都統冊送到
部以到京日為始給與世爵俸祿○二十八年
議準八旗世爵應得俸祿均由該都統造冊送
部然後支給漢世爵應得俸祿具呈本省巡撫
移咨兵部覈明並無事故即於本省給發仍取

地方官印結送部察覈○三十九年覆準漢世
爵無職任者仍給半俸為綠旗武職者其世爵
之俸或多於職任之俸準支世爵俸停支職任
之俸若世爵之俸較少於職任之俸準支職任
之俸停支世爵之俸○雍正十二年奏準八旗
世爵休致病故及休致有俸者應罰俸銀照舊
扣抵○十三年奏準漢世爵奉

旨擢用京營外省及選用侍衛者均食全俸其發標

効力未經授職及自願効力非

命往者均給半俸實授始支全俸其奉

旨令其回籍及不能供職回籍並未及歲承襲在家

閒住者均停給俸○乾隆二年議準八旗世爵

授為外省文職如世爵之俸浮於外俸令於任

所支領外任之俸所餘世爵俸銀并世爵祿米

均畱京支領若世爵之俸與外俸相等並外俸

浮於世爵之俸者俸銀均在任所支領其世爵

祿米仍準畱京○三年議準八旗世爵二十歲以下者於各該旗官學教習清漢文繙譯族學習三年後該旗都統考列等第引

見如有賦性愚魯習於便安者發回本旗仍照年幼襲爵例只給半俸令其効力行走如行走勤謹三年無過者奏

聞準給全俸其在學三年賦性聰明因年未及十八歲未便請

旨考試錄用者仍畱學讀書竝年滿二十歲請

旨考試○四年奏準八旗世爵授外省武職者其世

爵俸祿照補授外省文官之例畱京支領俾得

養贍家口○六年議準世襲佐領兼世爵者年

至十六歲應領全俸之時除世爵全俸少於佐

領全俸者令食佐領全俸外如世爵半俸較多

於佐領全俸者雖至十六歲仍令其食世爵半

俸若世爵半俸與佐領全俸相等或半俸較少

於佐領之全俸者令其食佐領全俸均俟至十八歲再領世爵全俸
十三年覆準兼世爵之外任旗員遇丁憂回旗若別經差委見在行走者仍支世爵全俸如間居守制別無職任者均給世爵半俸
又覆準八旗世爵補授外任所有餘俸仍照例畱京其不兼世爵之外任旗員停其俸祿畱京如有未完欠項統於任所應得俸銀內按數扣除報部若該員有在京子弟親

族情願代扣者準按限代扣完結

一在京文武各官俸祿正從一品銀一百八十兩米一百八十斛正從二品銀一百五十五兩米一百五十五斛正從三品銀一百三十兩米一百三十斛正從四品銀百有五兩米百有五斛正從五品銀八十兩米八十斛正從六品銀六十兩米六十斛正從七品銀四十五兩米四十五斛正從八品銀四十兩米四十斛正九品

銀三十三兩一錢一分四釐米三十三斛一斗
一升四合從九品銀三十一兩五錢二分米三
十一斛五斗二升未入流俸銀祿米與從九品
同○順治元年定一二品漢官歲給柴薪銀一
百四十四兩三品一百二十四兩四品七十二
兩五六品四十八兩七品三十六兩八品二十
四兩九品十有二兩在俸銀之外○五年定各
衙門未入流筆帖式月給銀二兩○七年奏準

內府官不支俸銀月支米二斛○十年定旗員
每俸銀一兩給米一斛漢官不拘品級歲支米
十有二石○十三年議準文武官俸祿不論滿
漢一例照品支給裁漢官柴薪銀○康熙十年
議準在京漢官俸祿各該衙門總領分給凡新
除升轉各官遇領俸時吏部兵部咨送到者準
給過期者不準補給○二十三年覆準在京王
以下八旗文武各官俸祿每年於春秋二季覈

實人數於未給之前先行題請如有罰俸降級者憑各衙門文移臨時裁扣○四十七年題準巡捕營官弁由民籍武職補授者準支給俸薪由旗員補授者不必支給○雍正三年

諭朕體卹臣工時深軫念每思經理區畫以贍其俯仰之資舊例在京漢官每年俸米皆支給十二石即可粗足見今漢官攜帶家口者多若俸米仍照舊數食用或有不敷居官者難免內顧之憂嗣後在京大小

漢官著照俸銀數目給與俸米俾祿糈所頒足供養
贍欽此○五年議準柳村牐官歲支俸銀俸米向在
宛平縣地丁項下支領今既隸奉宸苑應入京
俸冊每春秋二季奉宸苑造冊過部領俸時再
具印領支給○六年

諭吏戶兵刑工五部堂官內除差往外省署印外俸銀
俸米著加倍給與其署理之堂官亦照此賞給若遇
罰俸案件將朕分外賞給之俸不必入議欽此○八

年題準考取中書未補授者照滿貼寫中書例
給與俸銀祿米○十年覆準八旗副護軍校副
驍騎校每月食餉銀五兩如遇閏月轉比護軍
校驍騎校六十兩俸銀多得五兩嗣後護軍校
驍騎校不必支俸每月支銀五兩○十一年覆
準在京漢官俸祿令各衙門將應領銀米數目
於領俸前一月造冊二本咨送吏部稽俸廳稽
察有升遷降罰事故應行增除於原冊內注明

用印一本存案一本送部給發巡捕三營官弁俸祿先期造冊咨送兵部覈轉至領俸之期自二月八月初一日起至初七日止遇有除授升遷準其一例關領過初七日不準補支○十二年題準八旗內府及王公府屬佐領與旗下佐領均繫四品而支俸則百有十兩殊不畫一應照八旗佐領例每年均支銀百有五兩俸米一例關支○又題準漢世爵送部引

見擢用及選用侍衛或分發巡捕三營者準支全俸
其漢軍補授門千總者支領銀米照漢弁辦理

○又議準京官降罰事件奉

旨後吏兵二部注册知會到部領俸時各該衙門將
各官有無事故逐一造册咨送吏兵二部覈對
外官調補京職有隨帶降罰案件者亦令本人
呈明該上司一例造送候吏兵二部稽察轉咨
到部覈實給發○又題準在京各官支俸春季

於豫年十二月十五日秋季於六月十五日以前造冊送吏兵二部考覈移咨到部倘有遺漏或稽察未清銀米舛錯照例叅處在京漢官以二月八月初七日為限凡初七日以前有開復者準其補領老病告休革退物故者悉行裁扣若初七日以後不準補領亦不裁扣革職者仍裁扣至八旗各官冊籍過部之後不補不裁革職者仍裁扣出師官弁有議處者竣凱旋之日

具奏請

旨再京外額外官并在任辦事俸銀祿米亦照銜支
領○又覆準

盛京等處及各省旗員或由見任調補京職或由
見任升轉京職凡冊籍未經過部該旗即造入
冊內支領如冊籍過部之後升轉京職者該旗
照依該員原銜造冊送部補領其調補京職人
員亦令照依原銜一例造送所有新任應得之

俸統於下季分別入冊支領○乾隆元年

諭八旗護軍校驍騎校等多由兵丁選補遇有事故
罰俸恐致養贍無資嗣後遇有罰俸案件不必全
扣著每月扣除一半支領一半俾得藉此半餉稍
資用度欽此○又

諭禮部堂官照五部堂官例給與雙俸欽此○又

諭後食為事君之心重祿乃勸臣之道從前在京文
官俸入未足供其日用時廩

皇考聖懷是以雍正三年

特旨加增漢官俸米而各部堂官又加恩給以雙俸其餘大小各官原欲次第加恩俾得均霑渥澤今朕仰體

皇考加惠臣工至意仿照雙俸之例將在京大小文官俸銀加一倍賞給令其用度從容益得專心於官守所給恩俸著自乾隆二年為始再從前賞給各部堂官雙俸時欽奉

皇考諭旨遇有罰俸事件止罰正俸其恩俸仍行支給
今各官所加之俸亦照此例行欽此○又

諭向來科道官於奉旨內升外轉之日即離原任俸
祿公費均不支領嗣後科道官內升外轉者竝補
授後再離原任其未補授之先仍食原官之俸照
舊辦事欽此○又奏準七品筆帖式歲支俸銀三
十三兩米三十三斛八品筆帖式歲支俸銀二
十八兩米二十八斛九品筆帖式歲支俸銀二

十一兩一錢一分四釐米二十斛五斗五升○
又議準八旗官在俸冊過部後補授者除佐領
世爵外凡有原任俸餉者不準補領如無原任
俸餉可支春季於正月三十日秋季於七月三
十日以前奉

旨補授者均準其造冊送部補領其緣事開復之員
如在正月三十日七月三十日以前者亦準一
例補領若在二月八月初一日以後補授者不

準補領○又覆準由部曹出差學政帶翰林銜
仍照原官論俸推升其應得之俸仍由原衙門
按季支領○二年

諭昔年

皇考念部務繁多之尚書侍郎

特恩加賜雙俸並令遇有罰俸處分免罰加賜恩俸此
格外曠典也上年朕將在京文官俸銀槩加一倍
大小均霑雖名恩俸實即正俸若遇處分時亦照

從前部堂之例不罰加增之恩俸是在京文官竟無罰俸之事何以示懲且與武弁事不畫一未免偏枯嗣後大小京官遇有罰俸案件將本身應得之俸按年按月計算不必分晰扣除欽此○又議

準批本官傳奏官辦理

養心殿造辦處

懋勤殿

暢春園

圓明園

中正殿繙書房熱河等處事務之御史郎中員外郎主事筆帖式等官暨

實錄館律例館辦事各官雖不隸於各部院衙門亦均屬經制之員非各部未經授職在額外行走候補者可比應一例準其支領

恩俸○又覆準欽天監滿天文生給與九品俸祿而漢天文生仍舊食餉未為畫一應令欽天監堂

官於漢天文生內將精通算法行走勤慎者選
取二十四名送部注冊一例給與九品俸祿其
餘五十六名仍月食餉銀一兩五錢○三年奏
準已經任事未經授職及由考選錄用並無過
犯奉

特旨在各衙門試用等官照見任銜支食正俸受職
之後支給雙俸其被叅部議降調試用人員毋
庸給俸受職後照例支給○又議準

盛京升選各官有因父母年老或家口衆多不能
隨任願將俸祿畱京以充養贍者向來準畱俸
銀不準畱米嗣後各該旗體察情由咨部準將
俸米一并在京支領如父母家口並未畱京假
捏冒領者將該員與該管官并行叅處○又奏
準凡督撫將軍衙門及

盛京等處年滿回京候補京職之筆帖式均由吏
部掣籤分發各部院學習令該旗照原行俸祿

造冊支領俟補授之日再於新任內照京官例
領俸○五年議準外任旗員遇有丁憂回旗經
本旗引

見奉

旨在原衙門額外行走者支領單俸如遇該衙門經
制員闕該堂官奏準令其署理者照經制官一
例支給雙俸○十三年奏準京官俸銀祿米於
二月八月支領之後有降革者其已支銀米毋

庸追繳○又議準八旗見任罰俸旋經革職之人所有未完罰俸銀照直省例一例追繳○又奏準賞給大臣官員職銜如有差委者照所賞職銜支給俸祿若雖經賞有職銜未有差委及自備資斧効力贖罪者均毋庸議給俸祿○又奏準八旗署事官繫見任兼署有本任俸祿可支者毋庸支給署任俸祿如無本任俸祿者照所署官給以俸祿○又議準八旗大小官員離

任候

旨未有職任旋奉差委者令該旗奏明請

旨酌給俸祿若繫獲罪降革之人奉

旨委辦事務未經賞有職銜者毋庸議給○又覆準
八旗已經任事未經受職官內由廕叙考取轉
調並無過犯奉

特旨在各衙門試用行走者均照銜支給正俸實授
日給雙俸若被叅革職部議降調奉

旨在各衙門試用行走者毋庸給俸俟補官日支給
○十四年奏準寶泉寶源二局大使刑部司獄
例由本部筆帖式內遴選補用期滿仍回原任
並不開闕均令仍支筆帖式原俸○又覆準向
例在京八旗文武官弁於俸冊過部後升授外
任者冊內俸祿皆不扣除但外官抵任之日即
應起支新任俸銀實屬重複嗣後俸冊過部後
補授外任之旗員其俸祿即於本季扣除其由

兵丁升授外省者亦即扣除下月錢糧○又覆
準

盛京等處旗員於俸冊過部後升調回京者仍照
例支給原任單俸至各省經制文官於俸冊過
部後升調京職者照該員新任應得之俸給與
單俸綠旗武職於俸冊過部後升調京職者給
與新任俸祿○又覆準俸冊過部後新授人員
如有原任俸餉可支例不補領新任俸祿如無

原任俸餉準其支領至由各旗官學生補授人員向仍支官學生廩餼並不補領新任俸祿辦理未能畫一向來八旗滿洲蒙古官學生月支銀一兩五錢漢軍官學生月支銀一兩原繫膏火之資與原餉不同應照無原餉可支之例給與新任俸祿○十五年奏準由監生官學義學生補用之天文生照天文生由生員出身支食八品筆帖式俸銀之例各按品級支給筆帖式

俸祿○又覆準八旗官員俸冊定例春季於豫年十二月十五日秋季於六月十五日過部兵丁錢糧於上月十五日過部分別扣支嗣後官兵俸餉凡升轉病故若在十五日即照冊籍未經過部例辦理至十六日仍照冊籍已經過部例辦理○又覆準漢侍衛等告假回籍奏準日期在六月十二月十五日俸冊過部以後準支本季俸祿如在未經過部以前即行扣除其回

京銷假支領俸祿亦統以俸冊過部日為準○
十八年覆準京官俸米均令按季赴倉關支春
季者不得過秋季秋季者不得過次年之春季
補領如違倉場侍郎報部注銷

一京官月費宗人府左右宗人內閣大學士各
部院尚書左都御史均月支公費銀五兩○各
部院侍郎倉場侍郎內務府總管內閣學士宗
人府丞左副都御史通政使大理寺太常寺武

備院上駟院奉宸苑光祿寺太僕寺等卿詹事
鑾儀使均月支銀四兩○通政使司副使少詹
事鴻臚寺卿祭酒內閣侍讀學士各寺少卿翰
林院侍讀侍講學士侍讀侍講左右庶子洗馬
欽天監監正太醫院院使宗人府理事官給事
中御史各部院郎中冠軍使均月支銀三兩○
內閣侍讀通政使司叅議太常寺寺丞詹事府
左右中允贊善國子監司業翰林院修撰編修

檢討宗人府副理官各部院寺員外郎主事奉
宸苑苑丞都察院都事經歷內閣中書典籍中
書科中書舍人通政使司知事翰林院典籍待
詔孔目詹事府正字主簿大理寺寺正寺副評
事太常寺丞讀祝官贊禮郎光祿寺署正署丞
鴻臚寺鳴贊官欽天監監副五官正太醫院左
右院判七品御醫五城兵馬司指揮副指揮吏
目戶部三庫司庫內務府光祿寺理藩院司務

司庫武備院尚虞處營造司庫掌鑾儀衛雲麾
使治儀正內閣貼寫中書翰林院詹事府七八
九品筆帖式均月支銀二兩二錢各部院七品
小京官內閣候補中書理藩院造冊筆帖式均
月支銀二兩大理寺評事太常寺博士典簿司
庫六部大理寺步軍統領衙門司務太僕寺主
簿通政使司鑾儀衛經歷鴻臚寺序班主簿國
子監監丞博士典簿助教算學生光祿寺典簿

欽天監主簿靈臺郎挈壺正司書司晨監候博士天文生陰陽生太醫院八九品吏目額外吏目醫士鑾儀衛整儀尉侍衛筆帖式刑部八品醫官司獄均月支銀一兩五錢各部院寺宗人府內務府奉宸苑國子監步軍統領衙門六科倉場筆帖式國子監學正學錄各部繕本貼寫筆帖式戶部內務府理藩院太常寺光祿寺庫使武備院營造司庫守內務府執事人均月支

銀一兩○順治二年定各衙門官員分別等次
每月支給公費銀○又定在各館修書之總裁
提調纂修等官既支領本館飯銀均停支本衙
門公費○四年覆準各庫使均月給銀一兩○
十二年覆準在京文職及鑾儀衛衙門公費每
月朔以見在官開送定於月之十一日支領公
費如本月內遇有差遣等事不必掣回應補給
者按日於次月一并支領其有事故未領者不

準補給○十八年題準各衙門筆帖式月給公費銀一兩○又定宗人府左右宗人以下仍支公費左右宗正以上不支○康熙五十九年奏準工部堂司各官公費令該部自行給發每制錢九百五十文作銀一兩○雍正五年定在京各衙門公費原為在署辦公而設如奉差離署其應得公費按日扣除○七年題準漢科道由郎中員外郎內閣侍讀編檢補授者照五品之

例月給公費銀三兩由主事中行評博及行取
知縣補授者照六品之例月給公費銀二兩二
錢○八年議準太醫院醫官每人月給公費銀
二兩○十二年奏準本部設立貼寫筆帖式二
十人繕清字本章每名月給公費銀一兩歲給
米十有二石○乾隆元年奏準工部堂司官公
費以制錢九百文作銀一兩○四年覆準八旗
司掌橐筆帖式除原有八人外其察覈校對尚

不敷八人應照兵部遴選書寫旗員印軸之例
於繙譯取中之護軍驍騎內選取八名仍令食
本身錢糧照貼寫筆帖式之例每人月給公費
銀一兩將來取中之護軍驍騎用完日照本部
繕本筆帖式之例在八旗監生生員官學生內
考取補用即照繕本筆帖式例月給公費銀一
兩○十二年奏準工部堂司官公費仍自行辦
理以制錢八百文作銀一兩○二十一年奏準

寶泉局存貯制錢積累日多除工部堂司官業經該部奏明給錢外應將在京大小各衙門每月公費銀改給制錢每銀一兩給錢九百文

一在外文官俸銀與京官一例按品級頒發不給恩俸不支祿米其武官額俸與京官異各支薪銀有差正一品俸銀九十五兩八錢一分二釐薪銀一百四十四兩從品俸銀八十一兩六錢九分四釐薪銀與正一品同正二品俸銀六

十七兩五錢七分六釐薪銀與正一品同從品
俸銀五十三兩四錢五分八釐薪銀與正一品
同正三品俸銀三十九兩三錢四分薪銀一百
二十兩從品同正四品俸銀二十七兩三錢九
分四釐薪銀七十二兩從品同正五品俸銀十
有八兩七錢六釐薪銀四十八兩從品同六品
俸銀十有四兩九錢六分四釐八毫薪銀三十
三兩三分五釐二毫七品俸銀十有二兩四錢

七分一釐薪銀與六品同○順治四年議準在
外文職照在京文職各按品級支給俸銀外總
督歲支薪銀一百二十兩蔬菜燭炭銀一百八
十兩心紅紙張銀二百八十八兩案衣什物銀
六十兩兼副都御史銜巡撫歲支薪銀一百二
十兩僉都銜七十二兩蔬菜燭炭銀均一百四
十四兩心紅紙張銀均二百十有六兩案衣什
物銀均六十兩織造官照品支薪銀外歲支蔬

菜燭炭及心紅紙張銀各百有八兩案衣什物
銀六十兩學政及巡按巡鹽巡茶巡倉御史均
歲支薪銀三十六兩蔬菜燭炭銀一百八十兩
心紅紙張銀三百六十兩左布政使歲支薪銀
一百四十四兩蔬菜燭炭銀八十兩心紅紙張
銀一百二十兩修宅什物銀四十八兩案衣銀
五十二兩右布政使歲支薪銀一百四十四兩
蔬菜燭炭心紅紙張什物案衣銀各四十兩按

察使歲支薪銀一百二十兩蔬菜燭炭銀八十兩心紅紙張銀一百二十兩什物銀四十八兩案衣銀五十二兩叅政道歲支薪銀一百二十兩副使道叅議道七十二兩僉事道四十八兩蔬菜燭炭心紅紙張修宅什物銀均各五十兩布政使司經歷理問歲支薪銀四十八兩都事三十六兩照磨二十四兩檢校十有二兩按察使司經歷三十六兩知事二十四兩照磨檢校

各十有二兩知府歲支薪銀七十二兩心紅紙
張修宅什物銀各五十兩案衣銀二十兩府同
知通判均歲支薪銀四十八兩心紅紙張銀二
十兩什物案衣銀各十兩推官歲支薪銀三十
六兩心紅紙張銀二十兩什物案衣銀各十兩
府經歷歲支薪銀二十四兩知事照磨各十有
二兩知州州同四十八兩州判三十六兩吏目
十有二兩知縣三十六兩心紅紙張銀均三十

兩修宅什物銀均二十兩迎送上司緞扇銀均
十兩縣丞歲支薪銀二十四兩典史十有二兩
運使歲支薪銀百二十兩心紅紙張蔬菜燭炭
修宅什物銀各四十兩運同歲支薪銀七十二
兩運判提舉歲支薪銀四十八兩心紅紙張修
宅什物銀均各二十兩緞扇案衣燭炭銀均各
十兩運使經歷歲支薪銀三十六兩知事二十
四兩提舉司吏目薪銀十有二兩按察使司司

獄各府司獄庫大使巡檢稅課大使驛丞牘官
河泊所官均各歲支薪銀十有二兩○五年題
準提督支俸薪外歲給蔬菜燭炭銀百八十兩
心紅紙張銀二百兩案衣什物銀百兩總兵官
支俸薪外歲給蔬菜燭炭銀七十二兩心紅紙
張銀百有八兩案衣什物銀五十兩叅將游擊
支俸薪外叅將歲給蔬菜燭炭銀四十八兩游
擊歲給蔬菜燭炭銀三十六兩心紅紙張銀均

三十六兩案衣什物銀均二十四兩都司支俸
薪外歲給蔬菜燭炭銀十有八兩心紅紙張銀
二十四兩案衣什物銀十有六兩守備支俸薪
外歲給蔬菜燭炭銀十有二兩心紅紙張銀十
有二兩案衣什物銀八兩千總歲支廩給銀四
十八兩把總歲支廩給銀三十六兩掌印都司
支俸薪外歲給蔬菜燭炭銀三十六兩心紅紙
張銀七十二兩案衣什物銀三十二兩屯田操

捕都司支俸薪外歲給蔬菜燭炭銀三十兩心
紅紙張銀四十兩案衣什物銀三十兩營都司
支俸薪外歲給蔬菜燭炭銀二十四兩心紅紙
張案衣什物銀並同衛守備支俸薪外歲給蔬
菜燭炭銀八兩心紅紙張案衣什物銀並同衛
所千總歲支五品俸薪專城者加給心紅紙張
銀三十二兩案衣什物銀二十四兩百總歲支
廩給銀三十六兩運糧把總支俸薪外歲給蔬

菜燭炭心紅紙張銀各十有二兩案衣銀八兩

○九年議準裁州縣修宅什物銀○十三年議
準直省文職各官歲俸並心紅紙張銀仍照例
支給外其柴薪蔬菜燭炭銀均裁○康熙元年
題準在外武官給俸舊例至五品止各營千把
總只支廩給今千總定為六品每季給俸薪銀
十有二兩把總定為七品每季給俸薪銀九兩
○九年題準督撫有原加一二品銜者照銜品

支俸若三品以下官推授者仍支三品俸○十七年題準各省領運千總俸薪銀舊例不論出運停運各照額編支領嗣後出運之年照例支領不遇出運之年不準關支○二十一年題準候運千總俸銀仍照舊例支給○二十八年覆準張家口等處旗員照保定等城駐防旗員筆帖式例給與俸米○二十五年覆準都司改為正四品守備改為正五品專城衛千總雖繫正

五品仍照原編專城衛千總俸支給其營千總
改為從六品向來營衛武弁原無從六品亦未
編有從六品俸銀應照原編營千總廩給每年
四十八兩蔬菜二項照例支給○四十七年具
奏定例各省綠旗官弁均論品級支給俸薪馬
匹草料心紅紙張柴炭等項叅將每月七兩游
擊六兩守備五兩在京巡捕營向用旗人今民
人亦有補用者應照旗人支給奉

旨巡捕營官繫民籍見任補授者準其支給旗人不必
支給○雍正三年議準直隸巡撫改為總督守
巡二道改為布按二司應準照銜食俸造入奏
銷冊內具題覈銷○又題準糧船隨幫人員向
於明季所遺世襲衛所官內僉選每員額給廩
工銀五十四兩今停其選用將簡選武舉候推
千總頂補額編廩工仍照舊例支給○七年題
準奉天文職各官俸銀均照京官例支給其俸

米即於本年秋季起在各該處存倉粟米內就近支發○又覆準浙省鹽場大使向繫未入流職銜其名下每年原編俸銀三十一兩五錢二分於地丁項下支給今給與正八品職銜每年應支俸銀四十兩除原編俸銀三十一兩五錢二分外每人不敷銀八兩四錢八分於闕官俸銀內支給○八年

諭新授武弁應以領劄到任之日為始支給俸薪若升

遷調補之人未曾接領劄付尚在舊任其俸薪銀應照舊職銜給與以資食用其作何定例該部詳議具奏欽此遵

旨議準武職俸薪除新授官弁於到營任事之日起支外其升遷調補之人尚在舊任者仍照舊任職銜給與俸薪俟離營之日停支○十二年題準漢世爵送部引

見補授外省守備都司者準其支食全俸其發標効

力未經得任及情願効力

命往者均給半俸受職後準支全俸若奉

旨令其回籍及試看不能供職咨回原籍並未及年
歲承襲在家閒住者槩停給俸又武職支給俸
薪於受劄任事之日起支離任之日停支凡調
撥出兵直隸等六省大小官弁遞行委署者以
委署之日算俸並給與俸祿其分發各省及巡
捕三營効力兵弁如繫見任分發効力之人有

見任職銜應於到營之日照銜支食俸薪候補
分發及原無職銜

特旨分發者該督撫等或委署別任即於受劄任事
之日照所署任內給與俸薪心紅馬乾等項至
該員到營後未經補授委署之時有職銜者照
職銜給與一半俸薪無職銜者量給把總俸薪
之半其餘心紅馬乾等銀不準支給○又覆準
學習期滿進士委署試用委任內遇有因公叅

罰事件皆照委任官例議以罰俸其已經題署
一應照題署之任以奉

旨日為始給與額編俸銀○十三年奏準各省武職
例由受劄之日起俸但劄付有遲速不同嗣後
各省官弁關支俸銀均以受劄任事之日為準
○又覆準各省分發武弁經督撫委署受事尚
未接劄付者照所署之職給與一半俸薪金支
心紅馬乾等銀俟接劄之日全給署任俸薪其

見任題升人員已經任事尚未受劄及未經引見者照舊任職銜支給俸薪新任內支給心紅馬乾等銀○乾隆元年

諭舊例教職兩官同食一俸未免不敷養廉著從乾隆元年春季為始照各官品級給與全俸永著為例欽此○又覆準各省官弁除給劄委署者應得俸薪按照本銜支領外其候補試用人員所署之職無原官支食俸薪者即在署任內按照候

補試用之例支給其餘均歸截曠造報如署任
內俸薪尚有原官支食者即於建曠銀內撥給
至見任官弁所署之職無原官支食者即歸截
曠項下報部撥用毋令署官任意支食出征遞
行委署官弁亦照此例○三年覆準部發武舉
掣委各幫領運牢役工食向繫扣存解部但官
有代運之分而牢役隨幫供役無異未便令其
枵腹其工食應準一例支給○又覆準佐雜微

員俸廩有限革職之後仍議勒追窮員羈畱任
所情實可憫嗣後佐貳雜職因貪贓枉法革職
者任內有降罰案件照例仍追編俸其實由因
公墨誤革職無論任內降罰案件多寡食過編
俸一槩免追○四年題準湖北湖南試用文職
委署升遷事故員闕有馬夫者準其將額編馬
夫工食銀與額編俸銀一例支給無馬夫工食
者止支額俸其委署出差員闕俸銀工食本有

見任之人支食署官俸工停其給與○又題準
各省運弁俸銀從前或在道庫給發或在屯折
項下按季給發未得及時支領嗣後江南江安
各幫運弁均在道庫支領出運全數發給候運
按季覈給江蘇白糧千總六人鎮江衛分設中
幫千總二人並鎮江前後兩幫隨幫均在道庫
支領其蘇泰等衛十有八人向於屯折項下支
領者改歸道庫減存銀內給發其屯折項下原

編銀減存解司浙江出運之年於道庫減存銀
內給發歇運之年於坐編衛所屯餉存畱支給
嗣後將該衛所起解屯折先盡存畱按季解司
以便支給河南繫各省船撥運其山東臨清前
後平山前後德州任城天津等七幫見運之人
在豫省支給俸工於開幫之前全數給發通州
運弁俸工赴坐糧廳按春秋二季支領惟見運
軍牢於豫省兌漕時支給徐州前後長淮三幫

運弁俸工赴江安糧道全支湖南省岳州增設
千總二人在於道庫存剩隨漕銀內支給其荆
州荆左荆右三衛岳州衛向在屯折項下支給
者出運之年改於道庫三分公項內全支俟徵
解本款歸補歇運之年照舊支給江南湖北運
弁俸銀於出運之時全支山東或在道庫或在
衛所按季支領從無遲延仍照舊例給發○又
覆準江西南昌等各衛所千總每年應支俸銀

因本年未及開徵即需給發無銀動支於上年漕項屯糧銀內先行支給俟各屬徵解歸款○

五年

諭凡遇州縣錢糧停徵緩徵分年帶徵之時其佐雜微員應得俸銀及胥役應領工食若有墊發及未給準於司庫存公銀內如數撥補仍將應徵民欠依限催收解還藩司以清庫項欽此○又覆準浙省地丁存留項下應給俸工役食向以錢一銀

九之數造報均屬虛捏嗣後官俸役食統以銀數造報不必列作錢數各省中惟蘇屬官役俸工存畱項下有原編錢數者亦應更正奏銷○又秦準分發各省試用人員未得官以前例不支俸而月給薪水銀各省又未畫一嗣後凡奉旨命往各省試用同知知州等官每人月給薪水銀四兩通判知縣等官三兩分發佐雜等官二兩以資養贍均於存公項下動給歲終報部覈銷

○六年題準各省駐防驍騎校歲支俸銀六十兩按月赴司關領○又覆準各省隨標學習武舉給與馬糧一分考驗後分發候補千總之武舉給與把總全俸分發武進士給與千總全俸其分發降級人員照所降應得職銜給與一半俸薪至革職人員有奉

旨指定職銜分發試用者照職銜給與一半俸薪並未指定職銜分發酌量試用者照無職銜之例

給與把總一半俸薪再見任官員因事降革旋經開復該督撫題請畱於該省補用未經補用以及千把畱標未經拔補之前均不準給與候補俸薪若分發人員到標後緣事降革旋經開復仍令畱標候補者仍於開復之日照應得職銜支給一半俸薪○又覆準年滿千總隨營候推給與馬糧一分其發回以守備題補並發回原任後經年滿畱標候補守備以及豫行保舉

注册年滿離營候補守備者均照分發武進士之例給與千總俸至見任官員

特旨簡發補用並奏請帶往別省補用及水陸改調候補裁汰畱標別補均照原任職銜支食俸薪再分發侍衛繫有職無任之人照原職給與全俸○又覆準分發武弁署任如有銜大職小者照銜支食一半俸銀照職支食一半薪銀○八年題準太原駐防旗員自協領以下並無親丁

名糧惟支口糧及馬匹草豆凡因公降革畱任之人若照俸銀一例裁革則家口馬匹養贍無資嗣後各省駐防旗員如遇降革畱任者除停給俸銀外其任內應給額設口糧馬匹草豆照綠旗官弁支食養廉名糧之例準其支給○十年奏準各省武職千把總因貪贓枉法軍機獲罪革職者未完降罰案件仍追食過俸銀如因公累誤革職者無論降罰案件多寡食過俸銀

免其追繳○十二年題準教職告假期內停其
食俸將編俸銀按日扣存造入闕官奏銷冊內
仍將告假回任各日期報部察覈○十八年覆
準綠旗營武職向繫照銜食俸今既將大小銜
刪除則自提督以至守備所食俸銀自當一例
更定應將提督定為從一品食俸八十一兩六
錢總兵官定為正二品食俸六十七兩五錢各
有奇副將以下各官原繫按品定俸毋庸再議

一外藩俸祿喀爾喀汗科爾沁三親王歲給銀
二千五百兩段四十足諸部落親王銀二千兩
段二十五足世子銀千五百兩段二十足科爾
沁扎薩克圖郡王銀千五百兩段二十足諸部
落郡王銀千二百兩段十有五足長子銀八百
兩段十有三足貝勒銀八百兩段十有三足貝
子銀五百兩段十足鎮國公銀三百兩段九足
輔國公銀二百兩段七足扎薩克台吉銀百兩

段四疋○下嫁外藩固倫公主銀千兩段三十疋和碩公主銀二百兩段十有二疋郡主銀一百五十兩段十疋縣主銀百兩段八疋郡君銀五十兩段六疋縣君銀四十兩段五疋鄉君銀三十兩段四疋固倫公主額駙銀三百兩段十疋和碩公主額駙銀二百兩段九疋郡主額駙銀百兩段八疋縣主額駙銀五十兩段五疋郡君額駙銀四十兩段四疋縣君額駙銀三十兩

段三疋一等台吉銀百兩二等台吉八十兩三等台吉六十兩四等台吉四十兩一等子二百五兩二等子一百九十二兩五錢三等子一百八十兩一等男一百五十五兩二等男一百四十二兩五錢三等男一百三十兩一等輕車都尉百有五兩二等輕車都尉九十二兩五錢三等輕車都尉八十兩騎都尉五十五兩雲騎尉四十二兩五錢

賜達爾漢號者銀二十兩段四疋八品官銀二十兩
○順治十一年議準蒙古王以下公以上身故
停給俸祿俟承襲後各按爵秩支給○十八年
議準外藩世爵俸照內世爵俸減半頒給○康
熙三年議準下嫁外藩公主以下薨逝額駙有
爵秩者仍準給俸無爵秩者停給○十七年題
準外藩王貝勒貝子公等已故遇領俸時不俟
其子承襲一例支給應得之俸○雍正二年覆

準青海王貝勒貝子公台吉歲給俸銀就近於
蘭州藩庫給發其俸段由理藩院於部中支領
差筆帖式一人齎往頒發○七年

諭從前扎薩克蒙古王等之俸比在內王等少給者並
非以內外輕重分別因蒙古王等人在蒙古地方
居住費用有限國帑不足故少給伊等之俸今蒙

上天恩庇

聖祖皇帝遺惠天下無事數年來豐收國帑尚屬有餘


朕為統育天下羣生之大君凡事無不周慮行之蒙
古王等以下扎薩克一等台吉以上皆著增俸一倍
再尋常一等台吉原不給俸今亦照前扎薩克一等
台吉等食俸之例賞給此朕特加之恩亦未便遽定
為例嗣後歲終戶部理藩院會同將應否倍賞之處
奏聞再降諭旨欽此○十年

諭八旗察哈爾蒙古駐牧近邊與內地人相同効力有
年原定例察哈爾官內有職任者給與半俸無職任

散秩官給與俸祿四分之一念其皆國家効力舊人特沛恩澤將有職任官給與全俸其無職任散秩官給與半俸欽此○又議準

乾清門行走之一等台吉歲給銀百兩二等八十兩三等六十兩四等四十兩○乾隆二十年議準杜爾伯特等部落汗親王郡王貝勒貝子鎮國輔國公扎薩克台吉等俸銀俸段照喀爾喀汗王公台吉之例頒給每年令各差官乘傳赴

京於戶部關支



欽定大清會典則例卷五十一